



O operador galego está a despregar a tecnoloxía 5G e a modernizar a súa rede de fibra, que chega directamente aos fogares da comunidade

Outros 300 inmobles de Nigrán súmanse á nova rede de fibra óptica de R, a máis rápida do mercado, con accesos simétricos de ata 10 xigas

- *Uns 303 inmobles dos núcleos do Quinteiro, Lugar do Monte, Albores, As Medoñas e O Carballal, no municipio pontevedrés de Nigrán, quedaron conectados a peche de febreiro á nova rede de fibra ultrarrápida do operador galego; todos eles poden gozar xa dos servizos de telecomunicacións más innovadores e de posibles accesos de ata 10 xigas, wifi 6 e tele con deco Android 4K sen ningún custo adicional.*
- *Estes novos fogares e negocios únense aos xa incorporados en anteriores despregaduras no municipio pontevedrés, e cando rematen os traballos do Plan Avanza serán arredor de 6.000 as residencias e empresas preparadas coa fibra máis moderna do mercado en Nigrán.*
- *O desenvolvemento destas redes avanzadas está subvencionado polos Fondos FEDER da Unión Europea a través do Programa de Extensión da Banda Larga de Nova Xeración (PEBA-Plan Avanza) do Ministerio de Asuntos Económicos e Transformación Digital.*

Xoves, 24 de marzo de 2022.- Os núcleos do Quinteiro, Lugar do monte, Albores, As Medoñas e O Carballal veñen de incorporarse á renovada rede de fibra óptica de última xeración de R no municipio pontevedrés de Nigrán, cun 300 novos inmobles conectados que xa poden dispor de accesos ultrarrápidos a internet de ata 10 xigas simétricos e gozar dos servizos más avanzados de telecomunicacións do mercado. Todo iso, grazas á devandita nova rede de fibra que o operador galego está a modernizar nas catro provincias de Galicia dende a primavera de 2021.

R rematou, a peche do mes pasado, outro treito das tarefas de despregadura da súa rede de fibra en Nigrán, aproveitando ao máximo as infraestruturas dos devanditos núcleos, onde quedaron conectados eses **tres centenares longos de fogares e negocios**.

O operador galego xa acometera en Nigrán outras despregaduras previas das súas redes nos núcleos do Carregal, Lugar do Monte, Albores-Pequeño, As Medoñas, Barxa, Barcalleira, Cean, ou Carballeira onde se conectarán en total ás redes avanzadas de R arredor **dun milleiro de vivendas e empresas** deste concello da Ría de Vigo.

Cando rematen as despregaduras enmarcadas no vixente Plan Avanza no que R traballa, arredor de **6.000 fogares e negocios** teranse unido xa á súa modernísima rede de fibra óptica no concello de Nigrán, pois aos conectados na contorna do Plan Avanza haberá que lles sumar os activados a raíz doutros desenvolvimentos de rede que R vén realizando no municipio dende hai anos.

10 millóns de investimento e fondos europeos

Este e outros desenvolvimentos de rede na provincia de Pontevedra forman parte dun dos **tres proxectos do Plan PEBA-Avanza** do Ministerio de Asuntos Económicos e Transformación Dixital dos que R resultou adjudicataria en 2018 para despregar a tecnoloxía FTTH en 512 núcleos de Galicia que non dispuñan de alta velocidade ata o momento ("zonas brancas").

No desenvolvemento dos tres plans investirase un total de **10M€**, dos cales preto de **8M€** son subvencionados polos fondos FEDER da Unión Europea. En concreto, as despregaduras de Nigrán enmárcanse no proxecto destinado á extensión de redes de nova xeración en **196 núcleos de municipios do sudoeste de Galicia** (Pontevedra). Os traballos nestas zonas suporán un investimento total de **3,75M€**.

A día de hoxe, só no marco do Plan Avanza, R chegou por primeira vez coas súas redes de nova xeración a núcleos de poboación das catro provincias galegas que nunca dispuxeran de alta velocidade nos concellos do Rosal, Monterroso, Palas de Rei, Boqueixón, Porto do Son, Curtis, Cuntis, Meaño, Mos, Pobra de Trives, Peñín, Barreiros, Lourenzá, Ortigueira, Cariño, Camariñas, Muros, Cerceda, Antas de Ulla, Moraña, Guitiriz, Tomiño, Abegondo, Ribadumia, Combarro, Muxía, Valga, Vilaboa e Ponte Caldelas.

A rede máis rápida do mercado para os/as clientes/as de R

Os/as clientes/as de R dos núcleos de Nigrán conectados xa poden gozar dos servizos máis innovadores que lles ofrece a nova rede de fibra do operador galego, coa posibilidade de accesos de ata 10 xigas, wifi 6 e tele con deco Android 4K sen ningún custo adicional. Estas vantaxes vanse traducir, entre outras cousas, nunha cobertura óptima dos servizos de R nos fogares e nunha maior capacidade de navegación con varios dispositivos á vez.

A nova rede de R, a máis rápida de España segundo o prestixioso estudo da empresa francesa nPerf, utiliza a tecnoloxía FTTH, que accede directamente aos fogares e permite velocidades simétricas (iguais de suba e de baixada) en toda a súa extensión. É a última tecnoloxía baseada no estándar XGS-PON, preparada para o futuro, idónea para simultanear tarefas de teletraballo, teleformación, videochamadas, streaming, gaming... etc. Un sistema que permite habilitar esos accesos de ata 10 xigas, o que supón 4 veces máis capacidade de descarga que a tecnoloxía actual e ata 8 veces máis capacidade de suba.

Cambio de equipos gratuito e 5G

A medida que se vai despregando a nova rede, os/as clientes/as de R son avisados/as e informados/as dos pasos que deben seguir para cambiar os seus equipos por outros de nova xeración, máis avanzados, de forma totalmente gratuita. E as novas altas de R xa están a contratar maioritariamente sobre a nova rede de fibra óptica.

Cando en 2022 se completen os traballos de despregadura da tecnoloxía 5G e da nova rede de fibra FTTH, os novos equipos quedarán instalados en todos os inmobles e Galicia converterase nunha das rexións más avanzadas de Europa en tecnoloxía, preparada para o uso e **desenvolvemento de todos os servizos da chamada quinta xeración**. Esta tecnoloxía avanzada 5G apóiese na rede de fibra óptica, supón máis velocidade (10 veces máis que o 4G), maior capacidade e a posibilidade de xestionar unha cantidade inxente de datos, establecendo comunicacíons ultrarrápidas sen apenas latencia.

Con esta infraestrutura de última xeración que R desprega dende a pasada primavera, Galicia poderá competir en calquera lugar do mundo ao máximo nivel, ofrecendo a fogares e negocios galegos os servizos de telecomunicacíons más avanzados do territorio.

comunicación R

prensa@mundo-r.net

R.gal

